



Perspektiva juaj  
është sfida jonë!

Fondi më i ri në fushën e investimeve

## Raport Muaji Qershor 2022

### Informacion bazë

Administrimi i Fondit	<b>Raiffeisen Invest sh.a</b>
Monedha	<b>LEK</b>
Datë Lancimi	<b>20 Gusht 2018</b>
Datë e mbarimit te Ofertes	<b>03 Shtator 2018</b>
Fillestare	
Vlera fillestare e kuotës	<b>1,000</b>
Shuma fillestare minimale	<b>30,000</b>
Shuma minimale pasuese	<b>10,000</b>

### Komisione dhe Tarifa

Tarifë në hyrje	<b>0%</b>
Tarifë në dalje	<b>2% (cdo shlyerje para 2 viteve)</b>
Tarifë Administrimi në vit	<b>Deri ne 1.15% e vleres neto te aseteve</b>

Tarifa te tjera te vazhdueshme **Referojuni prospektit te fondit**

Komisione/tarifa të vazhdueshme **1.25% per vitin 2021**

Kosto për transfertë fondesh nga palë të treta **Referojuni informacionit ne degët e RBAL**

### Objektivi i investimit dhe profili i investitorit

Objektivi i Fondit është të maksimizojë kthimin total afatmesëm, duke synuar të ruajë kapitalin e investitorit dhe të sigurojë likuiditet të mjaftueshëm.

Fondi synon të ketë një portofol investimesh të përqëndruar kryesisht në instrumente borxhi të emetuara ose garantuara nga Qeveria e Republikës së Shqipërisë.

Për të maksimizuar kthimin total nga investimi, Fondi synon investime afatgjata dhe për këtë arsye, fondi investon të paktën 50 – 80% të aseteve ne obligacione afatgjatë te Qeverisë shqiptare.

Shifra e tarifave të vazhdueshme 1.25% mbështetet në shpenzimet për vitin e mbyllur më 31.12.2021. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.4% ne vit te vlerës neto të aseteve te fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

### Profili i Rrezikut dhe Përfitimit

Rrezik i ulët Rrezik i lartë  
Përfitimet tipike më të ulëta Përfitimet tipike më të larta



**Profili i parashikuar i Rrezikut dhe Përfitimit të fondit Raiffeisen Vizion i përket kategorisë së tretë. Ky nivel i treguesit është rezultat i aplikimit të politikës së investimit të fondit me të dhënat historike të normave të interesit për 5 vitet e fundit.**


Treguesi i rrezikut dhe përfitimit korrespondon me një numër të plotë i cili përdoret për të renditur fondin në një nivel rreziku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa rrezik. Ky tregues ka për qëllim tju informojë mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e rrezikut në të ardhmen.

## Të dhëna për Fondin në 30.06.2022

<b>Vlera Neto e Aseteve</b>	<b>17,205,623,673</b>
<b>Numri i investitoreve</b>	<b>6,270</b>
<b>Cmimi i Kuotes</b>	<b>1,109.8491</b>
<b>*Kthimi vjetor neto nga investimi (30.06.2021 - 30.06.2022)</b>	<b>-0.04%</b>

\*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi

## Struktura e portofolit të investimeve në 30 Qershor 2022



Ne kuader të politikës së investimit të fondit Vizion, investimet kryhen kryesisht në obligacione thesari, të emetuara ose garantuara nga Qeveria shqiptare, përmes pjesëmarrjes në ankandet e tregut primar dhe transaksioneve në tregun sekondar.

Politika e investimit parashikon që të pakten 50 – 80 % e asetëve të fondit të investohen në obligacione afatgjate të Qeverisë së Republikës së Shqipërisë. Bonot e thesarit 12 mujore emetohen dy here në muaj; Obligacionet 2 vjeçare një here në muaj; 7 dhe 10 vjeçare janë me të rralla, afërsisht një here në tre muaj. Qeveria organizon ankande të obligacioneve referencë 5 dhe 3-vjeçare me frekuencë një here në 2 muaj për secilin maturitet.

Instrumenti	Në % të Asetëve të Fondit
Bono Thesari	1.2%
Obligacione Thesari	87.9%
Depozita / Llogari rrjedhese/ Te arketueshme	11.0%

Vlera neto e asetëve të fondit është në nivelin e LEK 17.21 miliardë në datë 30 Qershor 2022.

## Zhvillimet dhe ecuria e normave të interesit të titujve të Qeverisë Shqiptare gjatë muajit Qershor


Ekonomia Shqiptare nuk bën përjashtim nga ekonomitë e vendeve të tjera të rajonit, ajo është prekur nga pasojat që ka shkaktuar konflikti në Ukrainë, i cili ka rritur çmimet e produkteve dhe inflacionin në gjithë botën.

Norma e inflacionit arriti në 6.7% në muajin Maj dhe sipas parashikimeve të Bankës së Shqipërisë, inflacioni në Shqipëri pritet të mbetet në nivelet 5-6% për pjesën e mbetur të vitit. Rritja e normës bazë të interesit me 0.5% nga ana e Bankës Qendrore në muajin Mars është pasuar nga rritja e normave të interesit të bonove dhe obligacioneve të Qeverisë Shqiptare në të cilat Fondi Vizion investon. Banka e Shqipërisë pritet të pasojë me rritje të tjera normash (ndoshta 2 rritje nga 25 pikë deri në fund të vitit) për ta kthyer inflacionin përsëri në nivelin e synuar prej 3%.

Asetet e Fondit Vizion janë të investuara vetëm në bono dhe obligacione të emetuara nga Qeveria e Republikës së Shqipërisë dhe për këtë arsye Fondi është i ekspozuar ndaj ndryshimeve në normat e interesit të këtyre titujve.

Përgjatë muajit Qershor në tregun vendas, normat e interesit të titujve të emtuar nga Qeveria Shqiptare vazhduan të kenë një trend rrites. Yieldi i Bonos së Thesarit 12-mujore rezultoi në 2.505% duke u rritur me 22 pikë në krahasim me ankandin e muajit Maj, ndërsa Bonoja e Thesarit 3-mujore u rrit me 25 pikë. Për sa i përket obligacioneve, ankandi i obligacionit 2 vjeçar-i rezultoi në 2.90%, duke u rritur me 0.16% në krahasim me normën e ankandit paraardhës. Ankandi i obligacionit referencë 3-vjeçar rezultoi në 3.674%, duke u rritur me 40 pikë krahasuar me ankandin e fundit të muajit Prill. Gjithashtu u zhvillua edhe ankandi i obligacionit 7 vjeçar i cili rezultoi në 5.00%, duke u rritur me 0.77% krahasuar me ankandin e fundit të muajit Mars.

Grafiku më poshtë jep një pasqyrë të ecurisë së normave të interesit të bonove dhe obligacioneve të thesarit të emtuar nga Qeveria Shqiptare gjatë periudhës 1-vjeçare Qershor 2021 – Qershor 2022. Për obligacionet referencë 3 dhe 5 vjeçare janë paraqitur yields fikse të perilogaritura nga kuotimet e kontributoreve në fund të muajit Qershor.




## Performanca e fondit dhe ecuria e çmimit të kuotës deri në 30 Qershor 2022

**Kthimi neto me baze vjetore, për periudhën 30 Qershor 2021 – 30 Qershor 2022 është **-0.04%** ndërsa kthimi vjetor për një periudhë 2 vjeçare është **2.00% p.a.****

Çmimi i kuotës së fondit Vizion ka pësuar një rënie me **-0.94%** gjatë muajit Qershor, si pasojë e rritjes së normave të interesit të bonove dhe obligacioneve të emetuara nga Qeveria Shqiptare, sidomos rritjes së normës së interesit të obligacionit 7 vjeçar.


Duhet patur parasysh se norma e kthimit ndryshon në varesi të kushteve të tregut, sic janë ndryshimet e normave të interesit të titujve të borxhit të emtuar nga Qeveria Shqiptare. Kështu kur normat e interesit në treg rriten, vlera e titujve të portofolit ulët dhe për rrjedhojë ulët dhe norma e kthimit për periudhën e kaluar. E kundërta ndodh kur normat e interesit ulen. Për pasojë, çmimi i kuotës mund të jetë i luhatshëm. Luhatshmeria është pjesë e natyrshme e fondeve të investimit dhe eliminimi i saj është i pamundur, kështu çmimi i kuotës mund edhe të bjere, jo vetëm të rritet.

### Ecuria e çmimit te kuotes Fondi Raiffeisen Vizion



Ne 30 Qershor 2022	1 Vit	2 Vjet	3 Vjet	Qe nga lancimi i fondit (3 Shtator 2018)
Ne % kthim vjetor i periudhes (p.a.)	-0.04%	2.00%	2.03%	2.76%

### Kthimi vjetor historik i Fondit Raiffeisen Vizion per çdo vit



**Fondi Vizion aplikon nje periudhe minimale qendrimi ne fond prej 2 vitesh. Cdo shlyerje perpara permbushjes se periudhes 2-vjet, do te jetë subjekt i nje tarife dalese prej 2% e vleres se kuotave te shlyera.**

Pertej minimumit kohor te qendrimt ne fond, Investitoret e fondit Vizion dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfituar nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Per fondin Vizion ky horizont i rekomanduar i qendrimt ne fond eshte te paktën 3 vjet, duke patur parasysh natyrën afatgjatë të investimeve të parashikuara në strategjinë e investimit të fondit dhe ne menyre qe te permbushet objektivi i performancës së fondit.

Investitoret inkurajohen qe te ruajne investimin e tyre duke mos ndryshuar objektivin e qendrimt ne fond te nxitur nga situata jo e zakonshme e krijuar nga konflikti gjeopolitik dhe inflacioni i larte, sepse ne kete menyre nuk do te rrezikojne te dalin nga fondi ne momentin e gabuar per investimin e tyre.

Të dhënat per kthimin nga investimi në të shkuarën janë vetëm ilustrative dhe nuk përfaqësojnë nje premtime apo garanci per kthimin ne te ardhmen. Te gjithe shembujt e tjere numerike, jane perdorur per qellime ilustrative dhe analize te te dhenave historike, dhe nuk duhen perdorur nga investitoret per te nxjerre konkluzione per te ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë nje kthim te caktuar te fondit. Informacioni mbi cmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sha., në web site [www.raiffeisen-invest.al](http://www.raiffeisen-invest.al) ose në degët e Raiffeisen Bank në Shqipëri.